

縣志

卷首
壹

修輯姓氏
圖說
沿革表

3385

五

同治十二年

漢川縣志

江漢古為澤國而漢水
 源出武都委折數千里
 至漢川匯諸湖為巨浸
 每汎濫田禾廬舍恒
 沃盪於波濤浩淼中蓋
 楚中彫敝之色也自古



民生之利病視乎吏治
 之廢興而吏治所在地
 志之考鏡資焉無軌涂
 則造父之車不能騁無
 懸的則紀昌之子不能
 射無規矩準繩則公輸

之斧斤不能巧天下
之斧斤不能巧天下
色之有志將以紀地
之實著得失之林俾
治有所證明以因地
制宜者也周官職方
既掌天下之圖與地

又有小史掌邦國之志
外史掌四方之志土訓
道地圖誦訓道邦志其
事之重久矣然有難焉
者長吏之所務在薄書
不在掌故而邦人士又

無蓄道德能文章者出
其承明著位之中網羅
蒐討勒為成書以備一
方信史文獻所由多闕
也余奉

命持節漢上兼轄三郡漢川

亦在屬部中歲壬申邑
紳何薌恬觀簪及邑令
表君金和以所慕漢川
縣志就香權且求一言
弁簡端其書州創於前
邑令長白德君更數令

至矣君而書始告成其
 體例嚴而明其紀載詳
 而核其采輯近事也周
 而慎其根據也則以府
 志一統志為之經緯其
 徵引也則出入於方輿

紀要及亭林郡國利病
 書而尤致意於水道隈
 防於支幹分合淤塞濬
 導之故縷二然井二然
 如數羅紋如布棊局美
 矣乎吏治考鏡之書也

抑聞是役也有在藉林
廣文鐵樵者實佐薊恬
觀警司哀輯倘皆色中
暮作卞耶夫漢川之爲
縣沿革廢置不一而自
宋元祐後定名亦千率

漢川縣志

序

五

矣世歷滄桑舊志既不
可得

興朝定鼎一方纂修曠如二
百餘年之缺典一朝而
舉之不可謂無功於川
邑也試披其圖藉攷其

山川東有甄山楚子常
晉王虞之用武在焉而
湏口龍門山猶有鄭攀
黨仲昇之遺蹟蓋自古
用兵之地也軍興以來
長蛇薦食四郊亦嘗多

壘當其時邑之興革利
害未暇講也田賦人物
未暇究也為地方籌遠
慮輔吏治者未暇謀也
今率方隅砥平而官斯
土者皆以方志為急亦

可謂知體要矣顧川之
爲治其要在固隄防濬
淤墊俾幹流逶江而支
流溉田斯一色之大利
興大害去而山水聚靈
人文亦因之秀發然後

布紀細崇教養次第設
施皆取是書而證明之
則書之成雖不得比於
范石湖之志吳都秦對
山之志武功而其有餘
於一色之吏治多矣

不敏忝司六察之責願
與官斯土者敬行實政
俾曩時彫敝之區一旦
化為樂土仰副
聖天子設官親民之意而是
書亦不僅為侈瀟博供

蝨蝕之具焉是則斯民
之厚幸已

同治十二年歲次癸酉
誥授通奉大夫布政使銜湖

北漢黃德道李明輝序
於漢皋權署

漢川縣志序

同治八年冬余奉

命出守漢陽舟次漢川前邑令德君竹泉來前曰漢川舊無志一邑文獻缺如宰之責也乃訪諸邑紳之負物望者得廣文林君鐵樵屬以網羅舊聞編輯成書顧未竟其緒而已瓜代亟請於余董厥成余慨任之屢檄邑令越三年袁君金和權邑篆志始告成以書來問序於余閱其書凡疆域之沿革山川之險易與夫賦役學校忠節文藝靡不網舉目張條理燦列而於水道隄防尤三致意焉亦云詳且備矣余惟漢川居漢水之濱夙號澤國

漢川縣志

序

漢水入江數千里曲折奔赴而漢川適承其委流每一泛漲禾苗廬舍悉在巨浸之中以故田賦緩徵迄無虛歲鴻嗷中澤牧民者已憊焉傷之况自粵匪倡亂往來蹂躪而漢川又適嚙其鋒一時捐軀赴難者互相藉枕民生凋敝於斯為極迄今承平數載而創夷滿目元氣未復然而畎畝之子戶守耕耘儒素之家人安絃誦其間文章志節卓然繼起猶足以振世而勵俗斯豈非國家教澤之隆薰陶而漸被之以形為風俗者方興而未艾歟且夫衣食足而後禮義興繕隄防勤疏浚務耕稼衣食所從出也治斯邑者有利必興有弊必除取是

書而考鏡之有以知其得失之所在使地盡其利民遂
其生然後漸之以仁摩之以義安知風俗之美不益蒸
蒸而日上哉余不敏固陋無文因喜德君之能善其始
而又嘉袁君之能踵其成也乃述其涯畧於簡端更願
與後之宰斯土者共勉之是則余之志也夫

同治十一年歲次壬申仲冬月

賜進士出身前刑部郎中知湖北漢陽府事嚴昉撰

漢川縣志序

壬申冬

篤慶

奉檄來宰是邑受事之明日邑紳林廣文

鐵樵秦明經香谷以邑乘稿來屬爲弁言閱之知漢川

舊無志創之者爲德君竹泉成之者爲袁君金和其搜

羅編輯則鐵樵廣文諸賢之功而提挈鼓舞實 玉階

巡憲 湘生府尊之力也 篤慶又何庸敘哉雖然繫官

於此亦奚可竟無一言今夫邑之大政曰隆學校公賦

役謹隄防勵忠節正疆域徵文考獻當非徒飾觀美爲

也將以援古證今握其樞而圖其要耳昔呂叔簡之言

曰爲政以維持世教爲主世教不明風俗不美只是策

漢川縣志

序

勵士大夫又曰變民風易變士風難士風變天下治矣

旨哉言乎今非古之封建矣今斯士者更代靡常化行

鮮久而風俗之純澆人心之向背則邑賢士大夫之責

也紳衿者四民之表率自待太薄則罔利行私藐章玩

法之爲不嫌於自汙而民氣因之不靜若其自重自愛

則必以此身爲天地不虛生之身今日爲一鄉所矜式

異日卽爲

朝廷所倚賴范文正公作秀才時便以天下爲己任厥後

事業功德簡冊彪炳有爲者亦若是人亦何必不自勵

哉然則士風變矣民風厚矣凡所謂隆學校公賦從謹

隄防勵忠節正疆域諸政有不釐然畢舉者乎卽揆諸
修志諸君子之心有不暢然快愉者乎篤慶不敏願與
邑賢士大夫共勉之是爲敘

同治十二年歲次癸酉清和月中浣知漢川縣事長安

劉篤慶繼純氏撰

漢川縣志

序

二

漢川縣志序

今天下州郡縣莫不有志志也者所以記政教而昭信
守者也採摭不富則失之簡擇識未精則失之蕪余曩
者出宰公安舉地方興革利弊與都人士徵文考獻討
論而切究之乃稿本未竣遂以解任去至今深抱遺憾
辛未冬來蒞茲土攬山川審休戚咨訪歷來典籍林君
道農以新志進且問序於余蓋漢川久無專志茲特創
始於林君鏡樵秦君香谷是二君者皆前任德君竹泉
尹君旭亭所倚重者也以世學之博當父母之邦虛公
詳慎勒爲一邑全書生於斯宦於斯者百世賴焉是志

漢川縣志

序

三

也爲卷二十有二凡山川之源流民物之殷耗農田隄
防之利病經濟事功氣節文章之輝映還稽近徵瞭如
指掌而景物遊觀之美弗錄焉可謂辨而不華質而有
體矣其於漢川豈小補哉獨是漢川故窪澤鍾也西北
爲最田日沉溺賦斂日殷者亦西北爲最或且付諸時
勢之適然竊嘗溯厥由來舉其關鍵以白諸大府蓋大
要有二一彌勒湖爲湖水入澗之咽喉竟爲豪右填據
創築魚欄堤以專一己之利一柘樹口本諸水會澗入
漢達江之故道節年濁流倒灌致淤梗二十餘里夫害
不除利不興下流壅上必溢及今不治則涸洩失其故

常西北縱橫數十百里勢且蕩爲巨澤民賦其奚以賴
余也乏幹濟才無能爲斯民謀百世利幸當九月水落
已奉令平毀魚欄堤毋許干罹憲網湖流始稍稍通矣
而柘樹口淤塞絕流爲害滋大開濬之策未卽舉行是
則川民之所延頸待命者也是則余與公安縣志同抱
遺憾者也今解任行矣並序之以俟諸賢有司
同治十一年歲次壬申仲冬月上澣知漢川縣事山陰
袁鳴珂撰



漢川縣志序

志也者史之權輿而政之所自出也非志則史於何採
非史則政於何稽故修志之任稱其選者蓋難邇來余
見新志多矣或以帖括充史材或就簡而因陋宜其謬
俚而無用於世也夫楚北爲人文淵藪豈無兼擅三長
憲章韓歐者况前明童庶子之志沔陽遺法具在取則
原不遠乎往者周君藹春李君嘯山宰漢川謂在籍廣
文林鐵樵學識優裕爲今文章士不易得嘗以志乘屬
之敦聘屢矣乃退然不之應故漢川之志旋議旋輟歷
七八年不見端緒丙寅夏余來蒞茲士兵燹初靖諸務

漢川縣志

序

五

未舉而志乘試館曠廢尤甚集紳耆酌議久之皆請以
試館屬之林道農矣道農鐵樵之兄也有經濟才素負
物望旣老而精悍過人土木瓦石皆躬自部署不恤勞
怨六閱月而遂以告成雖然二百餘年之文獻缺焉無
聞責固在有司抑亦父老子弟之深憾也雖鄉先達留
心掌故者如秦漢陸林莘田林賓門周雲門周序東類
有遺稿第滄桑變革散佚諸多間有存者未免缺畧因
思林氏故邑中舊族鐵樵承其家學必有不愧三長者
恭請至再四始適館珥筆功纔經始而余又左遷矣念
自通籍後厯任巴東竹谿廣濟諸縣漂泊宦海少所建